



Inatsisartuni ilaasortaq,  
Jens Napätök'  
Partii Naleraq

## **Suliffissaaleqinerup akiorniarneqarnera pillugu § 37 naapertorlugu apeqquteqaammur nr. 2019/214-imut tunngatillugu akissuteqaatit**

Asasara Jens Napätök'

Inatsisartut suleriaasianni § 37 naapertorlugu Naalakkersuisunut apeqquteqaatinik tulliuuttunik nassiusaqaarputit, taakkualu matumuuna akissuteqarfigneqassapput:

### **1. Kalaallit Nunaanni suliffissaaleqineq akiorniarlugu aaqqissuteqqinniarlugulu Naalakkersuisut pilersaaruteqarpat?**

05.07.2019  
Sags nr.  
2019 - 15435

Postboks 930  
3900 Nuuk  
Tlf. (+299) 34 68 00  
Fax (+299) 32 43 02  
E-mail: [asn@naaq.gl](mailto:asn@naaq.gl)  
[www.naalakkersuisut.gl](http://www.naalakkersuisut.gl)

#### **Akissuteqaat:**

Aappi. Naalakkersuisooqatigiinnissamut isumaqatigissummi allaqqavoq Naalakkersuisut sulisoqarneq pillugu inatsisitigut aaqqissuusseqqittoqassasoq.

Naalakkersuisut sulissutigaat ataatsimoorussanik aaqqiissutissanik pilersitsiniartarnek, naalakkersuisooqatigiinnermut isumaqatigiissummi anguniakkat naapertorlugit, inuiaqatigiinnilu inuuniarnikkut atugassarititaasunik pitsanngorsaaneq sulissutigalugu. Tamatumunngalu atatillugu Naalakkersuisut suliniut aallartissimavaat Naalakkersuisoqarfiit assigiinngitsut akornanni taaguuteqartoq: "Imminut pilersortuuneq annertunerusoq", Isumaginninnermut Inatsisinillu Atortitsinermut Naalakkersuisoqarfimmit, Aningaasaqarnermut Naalakkersuisoqarfimmit, Ilinniartitaanermut, Kultureqarnermut Ilageeqarnermullu Naalakkersuisoqarfimmit aamma Aatsitassanut Suliffeqarnermullu Naalakkersuisoqarfimmit peqataaffigineqartoq, ilaatigut pisortanit ikiorsiissutinik aaqqissuusseqqinnissanik misissuisoq. Aaqqissuusseqqinnissanut assigiinngitsunut inassuteqaataasussat imminnut ataqatigiissunik aaqqissuusaassapput - nipilersoqatigiissapput – taamalu innuttaasut namminneerlutik pilersornissaminnut eqeersimaartumik peqataanissaat annertunerpaaq anguniagaassalluni. Inassuteqaatit tamakkua pisortanit ikiorsiissutit aaqqissuteqqinneqarnissaannik, suliffeerunnermi ikiorsiissutit aaqqissuteqqinneqarnissaannik il.il. ilaqassapput. Suliniummi ilutigisaanik akulerunneqarput suliffeqarnermi illuatungeriit aamma kommunit.

Suliffeqarnermi periusissiap 2015-ip "Suliffeqarnek toqqissisimanartoq" nalilersoqqinneqarnera aamma maanna suliarineqarpoq. Kiisalu suliffeqarnermi periusissiaq nutaaq 2021-ip tungaanut atuuttuussaq suliarineqarpoq.

Ilisimatitsissutigissavara kisitsisit paasissutissat ersersimmassuk suliffissaaleqisutut nalunaarsorneqartartut ukiuni kingullerni annertuumik ikiliartortuarnerat. Kalaallit Nunaanni kisitsisinik naatsorsueqqissaartarfiup ingerlaavartumik qaammatikkaartumik suliffissaaleqisutut nalunaarsorsimasut kisitsisitigut naatsorsuusiortarpei, qupppersakkami uani [stat.gl](http://stat.gl).

**2. Kalaallit Nunaanni suliffissaaleqinerup akiorneqarnissaa anguniarlugu aaqqissuuteqqinneqassappallu tamanna inuiaqatigiinnut qanoq naleqassava?**

Inassuteqaataasussat naalackersuisoqarfiit assigiinngitsut akornannit suliniummit suliarineqartumit pisussat aningaasartuutissanut inassuteqaatinik ilaqartussaapput. Naatsorsuinissalli taakkua suli piffissami matumani suliarineqanngillat, suliniutit ingerlanneqarmata.

Inussiarnersumik Inuulluaqqusillunga  
Med venlig hilsen

Erik Jensen

A handwritten signature in black ink, appearing to read 'Erik Jensen', written in a cursive style.